

Uunga

Allannguutissatut siunnersuut

Radiukkut tv-kullu aallakaatisisarneq pillugu Inatsisartut inatsisissaattut siunnersuut

Aappassaaneerneqarnissaanut Naalakkersuisunit saqqummiunneqartoq.

§ 31-mut

1. § 31, imm. 1-3, imatut oqaasertaqassaaq:

”§ 31. KNR siulersuisunit tallimanik ilaasortalimmit aqunneqassaaq, taakkunannga siulersuisut siulittaasuat ilaasortarlu ataaseq Naalakkersuisunit toqgarneqartarlutik. Ilaasortat allat pingasut ukunannga innersuussisoqarneratigut Naalakkersuisunit toqgarneqartarput:

- 1) Ilisimatusarfik, ilaasortassamik ataatsimik Kalaallit Nunaanni tusagassiorermut tunngatillugu tusagassiorermik annertuumik piginnaasalimmik innersuussisartoq.
- 2) Kalaallit Nunaanni eqqumiitsuliortut kulturimillu ingerlatsisut nuna tamakkerlugu kattuffiat ilaasortassamik ataatsimik eqqumiitsuliormerk kulturimillu annertuumik assigiinngiaartunillu ilisimasaqartumik innersuussisartoq.
- 3) Ilaasortaq ataaseq KNR-imi aalajangersimasumik atorfillit inassuteqarnerisigut.

Imm. 2. Ilaasortat 18-inik ukioqalereersimassapput, aammalu Inatsisartunut, Folketingimut kommunalbestyrelsinulluunniit ilaasortaassanatik taakkununngaluunniit qinigassangortittuussaanatik. KNR-imi atorfillit siulersuisunut toqgarneqarsinnaanngillat, imm. 1, nr. 3 malillugu inassuteqaataasimannngikkunik.

Imm. 3. Siulersuisut tamarmiullutik tusagassiorneq, kultureqarneq, pisortatut aqutsineq inuussutissarsiornerlu paasisimasaqarfigissavaat. Ilaasortaq KNR-imi aalajangersimasumik sulisut innersuussinerisigut toqgarneqartoq pinnagu, ilaasortat ataasiakkaat pisortatut aqutsinermik inuussutissarsiornermillu ilisimasaqassapput aammalu upternarsarneqarsinnaasumik suliamik ingerlatsinermi piginnaasaqassallutik aammalu naleqquttumik ilinniagaqarsimassallutik, siulersuisuni pisortaqatigiinniluunniit taakkununnga assingusuni peqataanikuunermikkut misilittagaqassallutik. Tamassuma saniatigut ilaasortat inassuteqaateqartoqartinnagit toqgarneqartut aappaaniningaasaqarnermik ilisimasaqassaaq aappaalu sulisut pillugit suliassanik ilisimasaqassalluni.”

§ 33-mut

2. § 33, Imm. 2, imatut oqaasertaqassaaq:

”*Imm. 2. Atuisut siunnersuisoqatigiiffianni qulingiluanik ilaasortaqartumi ilaasortat ukuninnga innersuussisoqarneratigut Naalakkersuisunit toqgarneqartassapput:*

- 1) Meeqqat illersuisuat, ilaasortassamik ataatsimik innersuussisartoq.
- 2) Oqaasileriffik, ilaasortassamik ataatsimik innersuussisartoq.
- 3) Kalaallit Nunaanni eqqumiitsuliortut kulturimillu ingerlatsisut nuna tamakkerlugu kattuffiat ilaasortassamik ataatsimik innersuussisartoq.
- 4) Innarluutillit nuna tamakkerlugu kattuffiat ilaasortassamik ataatsimik innersuussisartoq.
- 5) Kalaallit Nunaanni tusarnaartartut isiginnaartartullu nuna tamakkerlugu kattuffiat ilaasortassamik ataatsimik innersuussisartoq.
- 6) Radioqarfii tv-qarfiillu nuna tamakkerlugu kattuffiat ilaasortassamik ataatsimik innersuussisartoq.
- 7) Ilisimatusarfik ilaasortassamik ataatsimik innersuussisartoq.
- 8) Nunaqarfii Nuna Tamakkerlugu Peqatigiiffiat ilaasortassamik ataatsimik innersuussisartoq.
- 9) Kalaallit Nunaanni Utoqqaat Peqatigiiffiat ilaasortassamik ataatsimik innersuussisartoq.”

Inatsisissatut siunnersummut oqaaseqaatit

Oqaaseqaatit nalinginnaasut

Inatsisartut Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliaata Naalakkersuisumik apersuineranni oqaloqatigiinnerit aammalu siunnersuutip aappassaaneerneqarnissaanut Ataatsimiititaliap isumaliutissiissutaani allaqqasut tunngavigalugit allannguutissatut siunnersuut saqqummiunneqarpoq.

Allannguutissatut siunnersuut kinguneqarpoq siulersuisuni ikinnerussuteqartut inassuteqaateqartoqartinnagu Naalakkersuisunit maannakkut toqcarneqartassasut, tassa siunnersuutigineqarmat siulersuisunut ilaasortanit tallimaasunit pingasut inassuteqaateqartoqareerneratigut toqcarneqartassasut. Aammattaaq oqaatigineqassaaq Atuisut Siunnersuisoqatigiivinut innersuussisinnaatitaanermut allannguutit Ataatsimiititaliap sulineranit aallaaveqartut.

Siulersuisunut ilaasortat allannguutissatut siunnersummi allanngunngillat, taamaammat allannguutit aningaasatigut allaffissornikkullu kinguneqarnissaat ilimagineqanngilaq. Ilimagineqarsinnaavorli Atuisut Siunnersuisoqatigiivini ilaasortat marlunnik ilaneqarnerisa kinguneranik ilaatigut aningaasartuuteqartoqassasoq. Aningaasartuut angalanermi aningaasartuutaassapput, taakkulu annikingaatsiarnissaat ilimagineqarpoq.

Inatsisissatut siunnersummi aalajangersakkanut ataasiakkaanut oqaaseqaatit

Nr. 1-imut

Aalajangersakkami allaqqavoq KNR-ip siulersuisuini ilaasortanik tallimanik Naalakkersuisut qanoq toqqaasarnersut, tassunga ilanggullugit kattuffinnut innersuussisinnaatitaasunut, piginnaasanik piumasaqaatinut tamanut tunngasunut aammalu piginnaasanut piumasaqaatinut immikkut ittunut siulersuisuni ilaasortat pineqartut qanoq toqparneqartarnissaannut tunngavinnut tunngatillugu.

Imm. 1 maannakkut normulorsorlugu aalajangersakkatut allaqqalerpoq, tassani innersuussisinnaatitaasut allaqqasoq, taakkunanga nr. 1 aamma nr. 2 nutaaliornerullutik, nr. 3-lu siunnersuutaqqaartumi aalajangersimasumik sulisut innersuussisinnaatitaanerat pillugu § 31, imm. 1, naggatit aappaanit ingerlatitseqqiinerulluni. Aammattaaq nr. 1-im 2-milu innersuussinermi piginnaasassat ilaapput. Nr. 1-imut tunngatillugu tamanna kinguneqarpoq ilaasortaq tusagassiornermik suliaqarnermi immikkut piginnaasaqarnermik takutitsissasoq, tamannalu ilinniagaqarnikkut inuussutissarsiutinilu misilittagaqarnikkut pissarsiarineqarsinnaavoq. Tamassuma saniatigut oqaatigineqassaaq toqqaanermi soqtigisanik aallussinnginnissamut piumasaqaatit nalinginnaasut isiginiarneqassasut.

Imm. 1, nr. 1-imut tunngatillugu oqaatigineqassaaq Ilisimatusarfik Tusagassiortunngorniarfimmut taarsiullugu allaqqasoq, tamassumunngalu pissutaavoq kingullertut taaneqartoq ilinniarfiunngimmat nammineertoq, Ilisimatusarfiulli ataani immikkoortortaalluni. Kisiannili Tusagassiortunngorniarfiup Ilisimatusarfiup ataani inissisimanera taamaallaat pissutigalugu Ilisimatusarfik innersuussisinnaatitaavoq. Tamassuma kinguneraa ilinniarfik ilinniarfitt allat ataanni siunissami inissinneqassappat innersuussisinnaatitaaneq taamatulli nuunneqarumaarpoq. Taamaalilluni innersuussisinnaatitaanermut tunngavilersuutigineqarpoq Tusagassiortunngorniarfiup immikkut ilisimasaqarnera suliamillu ingerlatsinermi piginnaasat tusagassiuutinut tusagassiotarnermilu pissutsinut tunngatillugu piginnaasaqartutut ilimagineqarnera.

Imm. 1, nr. 2 eqqarsaatigalugu oqaatigineqassaaq Kalaallit Nunaanni eqqumiitsuliortut kulturimillu ingerlatsisut nuna tamakkerlugu kattuffii arlaliuppata kattuffik amerlanerpaanik ilaasortalik innersuussisinnaatitaassasoq. Taamaalilluni Eqqumiitsuliornikkut Pinngorartitsisut Ingerlatsisullu (EPI) maannakkut innersuussisinnaatitaassapput.

Suliffeqarfimmi sulisut aallartitaqarnissaannik nr. 3-mi siunnersuutigineqartumi siunertaavoq quilliunerusumik suliniutinik aallartinneqartunik sulisullu naggataatigut piviusunngortitseqatigiiffigisassaannik sulisut qaqugukulluunniit paasiaqartarnissaasa qulakkeerneqarnissaa.

Ilaasortat toqparneqartut inersimasutut nammineersinnaalersimanissaat KNR-illu politikkikkut sunnerneqartannginnissaata annertusarnissaa imm. 2-kkut qulakkeerneqassasoq, taamaalilluni suliffeqarfip nakerisariunnginnera tatiginassusialu apeqquserneqarsinnaassanatik. Mianerinninnissaq taanna aallaavigalugu nutaatut erseqqissarneqarpoq politikkikkut suliassanut

taaneqartunut siulersuisunut toqqaasinnaanginnermut tunngatillugu pisortatigoortumik qinigassanngortinneq ilaasortaanermut naligiissinnejartoq.

Imm. 3, oqaaseqatigiit siullianni siunertaavoq tusagassiornermi, kultureqarnermi kiisalu aqtsinermi inuussutissarsiornermilu pissutsinik ilisimasaqartunik siulersuisut katitigaassasut, taamaalillunilu tusagassiorermik, kultureqarnermik inuussutissarsiornermillu ingerlatsinermi piumasaqaataasutut suliffeqarfiup aqunnissaanut pitsaanerpaanik piginnaasaqassallutik.

Tassunga peqatigitillugu oqaaseqatigii aappaanni ersippoq ilaasortat tamarmik, ilaasortaq aalajangersimasumik sulisunit innersuussutigineqartoq pinnagu, immikkut tamarmik aqtsinermik inuussutissarsiornermillu ilisimasaqassasut. Inatsimmut atuuttumut sanilliullugu nutaaliornuvoq, tamassumalu kinguneraa ilaasortat Namminersorlutik Oqartussat iluanni siulersuisunut atuuttut assinganik piginnaasaqarnissamik piumasaqaatinik ilaasortat eqqortitsinissaannik siulersuisunut ilaasortaanissamut piumasaqaateqartoqarnera. Tamanna pivoq suliffeqarfiup quillunerusumik aqunneqarnerata nukitorsarneqarnissaa siunertaralugu aammalu sapinngisamik piginnaasaqartunik iliuuseqarsinnaassuseqartunillu aqtsisoqartilarniarlugu. Sulisut inummik tativisaminnik kiffaanngissuseqarlutik toqqaanissaat qulakkeerniarlugu siulersuisuni ilaasortaq KNR-imik aalajangersimasumik sulisunit toqqarneqartoq piginnaasassanik piumasaqaatit pillugit aalajangersakkami ilanngunneqanngilaq.

Imm. 3-mi oqaaseqatigiit kingulliat nutaavoq, aammalu innersuuteqartoqareerneratigut ilaasortanik toqqaanermut atatillugu piginnaasassanik Naalakkersuisut tunngavigisassaannik takutitsilluni. Aningaasaqarnermik piginnaasat KNR-imut aningaasaliissutinut annertuunut suliffeqarfimmillu ingerlatsinermi aningaasatigut atugassaritinneqartut annertunerpaamik anertusarnissaannik isiginiagaqarnissamut tunngavoq. Sulisut pillugit suliaqarnermik ilisimasaqarnissaq sulisut KNR-imut pingaarnertut isumalluutaanerannik tunngaveqarpoq, tamassumanilu assersuutigalugu sulisunik ineriartortsinermik, sulisut suleriinnarnissaannik sulisussarsiornermilu suliniuteqarnermik minnerunngitsumillu ilinniaqqinnissanik annertunerusumik isiginninniarnissaq piumasaqaataavoq. Ilaasortat taakku marluk tassunga peqatigitillugu piginnaasassatut piumasaqaatinik tamanut tunngasunik aalajangersakkami oqaaseqatigiit aappaanni allassimasunik eqqortitsissapput.

nr. 2-mut

Pisortat kattuffiillu Atuisut Siunnersuisoqatigiiffiannut ilasortassanik toqqagassanik inassuteqartartut aalajangersakkami allaqqapput. Immikkut ilisimasaqarnissamik ilimagineqartunik soqutigisaqartut pineqartut sinniisoqarnissaat siunertaralugu Atuisut Siunnersuisoqatigiiffiat katitigaavoq.

Allannguutissatut siunnersuutip kinguneraa Atuisut Siunnersuisoqatigiiffianni ilaasortat marlunnik ilaneqarnissaat, taamaalilluni Atuisut Siunnersuisoqatigiiffiat katillugit qulingiluanik ilaasortaqassalluni. Taamaalilluni ersippoq Nunaqarfitt Nuna Tamakkerlugu Peqatigiiffiat aamma Utoqqaat Peqatigiiffiat kattuffiit taakku soqutigisaat aallaavigalugit KNR-imi siulersuisunut siunnersuisinnaanissat siunertaralugu Atuisut Siunnersuisoqatigiiffiannut ilaasortassamik ataatsimik aamma innersuussisinnaasut. Assersuutigalugu tassaasinnaapput, aallakaatitat innuttaasunut utoqqaanerusunut sammitinneqartut.

Ilimagineqarpoq soqutigisaqartut tamarmik aalajangersakkami taaneqartut suliassat §§ 20-27 naapertorlugit KNR-ip suliarinissaannik inatsit naapertorlugu pisussaaffiinik immikkut ilisimasaqassasut soqutigisaqarlutillu. Assersuutigalugu § 20, imm. 7-imi ersippoq aallakaatitanik meeqyanut inuussuttunullu tunngasunik KNR neqerooruteqartassasoq, aammalu § 24-imi ersippoq kalaallit oqaasiisa pigiinnarnissaannut ineriertortinnissaannullu KNR tapersiissasoq. Aammattaaq § 20, imm. 6-imi ersippoq aallakaatitassanik neqeroorutini eqqumiitsuliorneq kulturilu pillugit assigiinngiaartut takutinneqartassasut kiisalu Kalaallit Nunaanni inuiaqatigiinni kulturikkut soqutigisat assigiinngiaassusiat malinneqassasoq. Aammattaaq § 20, imm. 8 naapertorlugu inuit innarluutillit aallakaatitassianik isiginnaarsinnaanissaat tusarnaarsinnaanissaallu KNR-ip annertusarniassagaa, KNR-ilu minnerpaamik aallakaatitassianik Kalaallit Nunaanni radioqarfii tv-qarfiillu allat aallakkaatitassiaannik aallakaatitsisassasoq, tak. § 28, imm. 1, nr. 4.

Aalajangersakkami nr. 4-mut tunngatillugu oqaatigineqassaaq kattuffik taanna maannakkut tassaasoq Kalaallit Nunaanni Innarluutillit Piginnaanikitsut Kattuffiat.

Nuna tamakkerlugu kattuffiit amerlaneruppata kattuffik amerlanerpaanik ilaasortanik innersuussisinnaatitaassaaq. Tamanna nr. 9 eqqarsaatigalugu aamma atuuppoq, tamassumalu kinguneranik ilimagineqarpoq Kattuffik Utoqqaat Nipaat ullumikkut innersuussisinnaatitaasoq.